



Zajednička izjava

Xiao Jianhua, predsjednik IAF-a, i Etty Feller, predsjednica ILAC-a



**Svjetski dan
akreditacije 2021
(#WAD2021)**

Akreditacija:

Podrška realizaciji ciljeva održivog razvoja (SDG)

Svjetski dan akreditacije 2021. godine posvećen je ulozi akreditacije u realizaciji ciljeva održivog razvoja UN-a.



ILAC i IAF imaju blisku stratešku i tehničku saradnju sa Organizacijom Ujedinjenih nacija za industrijski razvoj (UNIDO), pošto ova organizacija prepoznaje značajnu ulogu akreditacije u realizaciji programa održivog razvoja i njen uticaj na industrijski razvoj i rast privrede.

Ambiciozna strategija Ujedinjenih nacija (UN), usmjerena na iskorjenjivanje siromaštva do 2030. godine i ostvarivanje značajnog globalnog društvenog i ekološkog napretka, mogla bi doprinijeti otvaranju skoro 380 miliona radnih mjesta i stvaranju prilika u vrijednosti od 12 biliona USD (9 biliona GBP) u različitim sektorima, od pristupačnog stanovanja i energetske efikasnosti do modela cirkularne ekonomije i unapređenja zdravstvene zaštite. Ciljevi održivog razvoja UN-a (SDG) predstavljaju plan za ostvarivanje bolje i održivije budućnosti i bave se globalnim izazovima, uključujući siromaštvo, nejednakost, klimatske promjene, degradaciju okoliša i pravdu.

Definirano je ukupno 17 ciljeva održivog razvoja i 169 odgovarajućih podciljeva koji bi trebali poslužiti kao osnova za aktivnosti usmjerene na razvoj na globalnom, regionalnom i nacionalnom nivou.

Akreditacija, a samim tim i ostale institucije infrastrukture kvaliteta (QI), uključujući

mjeriteljstvo, standardizaciju, ocjenjivanje usklađenosti, nadzor nad tržištem, predstavlja jedan od ključnih stubova u ostvarivanju SDG i tri međusobno povezana tematska prioriteta: zajednički prosperitet, veća konkurentnost privrede i zaštita okoliša.

Tehnički i operativni temelji koji su ključni za funkcioniranje razvijenih, i društava u razvoju stvaraju se kroz akreditaciju. Akreditacija podržava ciljeve politike u područjima kao što su prekogranična trgovina, zdravstvena ispravnost hrane, zaštita zdravlja i okoliša te industrijski i infrastrukturni razvoj.

Akreditacija nudi pouzdanu platformu za definiranje, formuliranje i verifikaciju zahtjeva za proizvode i usluge čime se garantira i dokazuje da proizvodi i usluge ispunjavaju definirane zahtjeve.

Akreditacija kreatorima politika, preduzećima i drugim akterima pruža tehničko znanje i omogućava bolju realizaciju, mjerenje i praćenje velikog broja podciljeva u okviru SDG i pomaže u njihovom ostvarivanju.

Nedavno objavljena publikacija pod nazivom „Kvalitet, standardi i njihova uloga u odgovoru na COVID-19“, u kojoj su analizirani uticaji pandemije COVID-19 na trgovinu, predstavlja potvrdu partnerstva između ILAC-a, IAF-a i UNIDO i ističe značajnu ulogu akreditacije u ublažavanju negativnih uticaja i davanju doprinosa realizaciji SDG.

Iako je bilo više uspješnih priča iz cijelog svijeta, tema ovogodišnjeg Dana akreditacije 2021. odabrana je kako bi se kreatori politika podstakli da u realizaciji svojih programa održivog razvoja nastave sa korištenjem usluga akreditacije i QI. Time se članovima ILAC-a i IAF-a pruža mogućnost da pokažu kako se akreditacija može koristiti u ostvarivanju ciljeva kao što su rast trgovine, rješavanje zdravstvenih i sigurnosnih pitanja te unapređenje opšteg kvaliteta proizvoda i usluga. Ova tema može poslužiti i kao pokretač promjena, zahvaljujući kojima će akreditacija zadržati svoj značaj u svjetlu sve

bržih tehnoloških inovacija, uticaja 4. industrijske revolucije i prijetnji u vidu klimatskih promjena, zagađenja i osiromašenja resursa.

Resursi kao što su www.business-benefits.org i www.publicsectorassurance.org stoje na raspolaganju za potrebe pripreme novinskih i televizijskih priloga, održavanja skupova, radionica i seminara koji će povodom obilježavanja Svjetskog dana akreditacije biti organizirani u preko 100 zemalja u cilju podizanja svijesti o ulozi akreditacije u ostvarivanju SDG.



Xiao Jianhua, predsjednik IAF-a



Etty Feller, predsjednica ILAC-a

Detaljnije informacije možete dobiti od svog lokalnog akreditacionog tijela.
http://www.iaf.nu/articles/IAF_MEMBERS_SIGNATORIES/4 i <https://ilac.org/ilac-membership/>
Dodatne studije slučaja, istraživanja i prateći materijal dostupni su na: <http://www.publicsectorassurance.org/>

CILJEVI RAZVOJA
ODRŽIVOG

